

RF – “Asaka” bank

Mamlakat
O‘zbekiston

Loyiha raqami:
52238

Faoliyat sohasi:
Moliyaviy muassasalar

Bildirishnoma turi:
Xususiy

Ekologik toifasi:
FI

Tasdiqlangan kuni:
2020-yil 8-iyul

Qaysi bosqichdaligi:
Tasdiqlandi

Loyihaning qisqacha mazmuni ingliz tilida chop etilgan sana
2020-yil 7-sentabr

Axborotdan erkin foydalanish siyosatining III bo‘limi 2.6-bandida ruxsat etilganidek, loyihaning qisqacha mazmunini chop etish Axborotdan erkin foydalanish ko‘rsatmalarining 1.4.4-bandiga muvofiq kechroq muddatga surilgan.

Loyiha mazmuni

Barqarorlikni ta‘minlash dasturi doirasida “Asaka” bankga 50 million AQSH dollarigacha bo‘lgan birinchi navbatdagi ta‘minotsiz kreditni sintetik o‘zbek so‘mi, AQSH dollari yoki yevroda taqdim etish. Bu kredit mablag‘i 2 ta transhdan iborat bo‘lib, ular 20 million AQSH dollari (1-transh) va 30 million AQSH dollarini (2-transh) tashkil qiladi. Kredit tushumlari “Asaka” bank tomonidan O‘zbekistonning kichik va o‘rta biznes korxonalariga (KO‘BK) yo‘naltiriladi. Mazkur loyiha Bankning COVID-19 pandemiyasiga qarshi ko‘rgan chora-tadbirlaridan kelib chiqqan holda tasdiqlandi.

Loyiha maqsadi

Taklif etilayotgan loyiha “Asaka” bankning tegishli sub-qarz oluvchilar faoliyatini moliyalashtirish imkonini beradi, bu esa moliyaviy sektorning barqarorligini oshiradi. Kichik va o‘rta biznes korxonalarini kreditlash “Asaka” bankning yanada uzoqni ko‘zlagan maqsadi

hisoblangan bankning biznes modelini tijoratlashirishga ko‘maklashishda KO‘BK segmentini strategik jihatdan kengayishini qo‘llab-quvvatlaydi.

O‘tish davri ta‘siri

Kutilayotgan o‘tish davri ta‘siri (KO‘DB) bahosi: 80

Ushbu loyiha COVID-19 pandemiyasi sababli yuzaga kelgan murakkab sharoitda “Asaka” bankga barqaror moliyaviy profilni saqlashga yordam berish orqali barqarorlik sifatini oshiradi. Shuningdek, u “Asaka” bankning kreditlash salohiyatini kuchaytiradi va bankga kichik va o‘rta biznesni kreditlashni davom ettirishga ko‘maklashadi.

Bu loyiha bozor tendensiyalariga mos ravishda KO‘BK portfelining o‘rishini saqlashga imkon qadar yordam berish orqali “Asaka” bank raqobatbardoshligini qo‘llab-quvvatlaydi. Taklif etilayotgan loyiha xususiy KO‘BKga juda zarur bo‘lgan moliyaviy mablag‘larni taqdim etishga ko‘maklashadi, bu esa COVID-19 inqirozining iqtisodiy oqibatlarini yumshatishga yordam beradi.

Mijoz haqida

“ASAKA” AKSIYADORLIK TIJORAT BANKI

“Asaka” bank O‘zbekistondagi eng yirik tijorat banklaridan biri bo‘lib, u 2020-yil mart holatiga ko‘ra mamlakatdagi 30 ta bank orasida o‘z aktivlari bo‘yicha uchinchi o‘rinni egallaydi. Bank aksiyalarining nazorat paketi O‘zbekiston Respublikasining Tiklanish va taraqqiyot jamg‘armasi (87,77 %) va O‘zbekiston Respublikasi Moliya vazirligi (9,38%) orqali davlatga tegishlidir. Hozirda “Asaka” bankda o‘z biznes modelini tijoratlashirish va uni bosqichma-bosqich xususiy lashtirishni ko‘zda tutuvchi o‘tish jarayoni davom etmoqda.

YTTBdan ajratiluvchi moliyaviy mablag‘lar

50 000 000,00 AQSH dollari

Loyihaning umumiy qiymati

50 000 000,00 AQSH dollari

Qo‘shimcha shartlar

COVID-19 sababli yuzaga kelgan inqiroziga qarshi kurashish: YTTB tomonidan ajratilayotgan moliya resurslari COVID-19 pandemiyasi sharoitida bozorning noqulay sharoitlari tufayli KO‘BKni moliyalashtirishdagi likvidilik tanqisligini samarali ravishda bartaraf etmoqda.

Ekologik-ijtimoiy xulosa

FI toifasiga kiritildi (ESP 2019) “Asaka” bank avvalgi Savdoga ko‘maklashuvchi dasturning (TFP¹) joriy mijozlari hisoblanadi. Ekologik va ijtimoiy ekspertiza loyiha talablari (PR²) hisoblangan PR9, PR4 va PR2'larga ko‘ra bir qator kamchiliklarni aniqladi va ularni bartaraf etish bo‘yicha chora-tadbirlar Mijoz bilan kelishilgan va moliyalashtirish to‘g‘risidagi shartnomada ko‘rsatiladigan Ekologik va ijtimoiy muhitni boshqarish rejasiga (ESMP³) kiritilgan. “Asaka” bankdan YTTBning korporativ, kichik va o‘rta biznes korxonalarini va mikro kreditlar uchun ekologik va ijtimoiy xatarlarni boshqarish tartib-qoidalariga, shuningdek, ESP-2019 yo‘llanmalari va istisnolar ro‘yxatlariga rioya qilish talab etiladi. Qarz oluvchi har yili Bankga ekologik va ijtimoiy sohaga oid hisobotlarni taqdim etishi shart. Mazkur moliyaviy mablag‘lar, Dasturiy tamoyillar bayonotining qoidalariga muvofiq, xususiylar kichik va o‘rta biznes korxonalarini (KO‘BK) uchun sarflanadi. Bunday turdagi korxonalar uchun ekologik va ijtimoiy xavf-xatarlarning umumiy darajasi past hisoblanadi.

Texnik ko‘mak va grant asosida moliyalashtirish

Ko‘zda tutilmagan.

Kompaniyaga murojaat qilish uchun ma‘lumot

Umumiy ma‘lumotlar uchun

office@asakabank.uz

www.asakabank.uz/en

O‘zbekiston Respublikasi, Toshkent shahar, Mirobod tumani, Nukus ko‘chasi 67-uy.

Loyihaning qisqacha mazmuni so‘nggi marta yangilangan sana

2020-yil 7-sentabr

O‘tish davri nima

O‘tish davri ta‘sirini baholash bo‘yicha YTTB yondashuvi haqidagi qo‘shimcha ma‘lumotni [mana bu havoladan](#) olishingiz mumkin.

Loyihalarda ishtirok etish uchun imkoniyatlar

Loyihada yoki xaridlarda ishtirok etish uchun mijoz kompaniyaga murojaat qiling.

YTTB bilan (xaridlarga oid bo‘lmagan masalalarda) hamkorlik qilish uchun quyidagi telefon yoki elektron pochta orqali bog‘laning:

¹ Trade Facilitation Programme

² Project Requirements

³ Environmental and Social Management Plan

Tel: +44 20 7338 7168
E-manzil: projectenquiries@ebrd.com

Davlat sektoriga oid loyihalar uchun [YTTB xaridlari](#) sahifasiga o'ting:

Tel: +44 20 7338 6794
E-manzil: procurement@ebrd.com

Umumiy ma'lumotlar

Aniq so'rovlar [YTTB so'rovlar shakli](#) dan foydalangan holda berilishi mumkin.

Ekologik va ijtimoiy siyosat (ESP)

YTTB o'zining "ekologik jihatdan mas'ul va barqaror rivojlantirish" tashabbusini ilgari surishda [Ekologik va ijtimoiy siyosat](#) va uning tarkibiy qismi bo'lgan loyiha talablari (PR) Bank loyihasini amalda qo'llash tartibini belgilab beradi. ESP va PR tegishli milliy qonunchilik doirasida Bank mijozlarining keng jamoatchilikka axborot berishi va maslahatlashishini ta'minlash, shuningdek manfaatdor tomonlarning xavotirlari va shikoyatlarini, ayniqsa, ekologik va ijtimoiy muammolarni ko'rib chiqish va hal qilishga yordam beradigan mexanizmi yaratishdagi aniq talablarni o'z ichiga oladi. Loyihaning ekologik va ijtimoiy risklarni va ta'sirining mohiyati va ko'lamidan kelib chiqqan holda, zarurat tug'ilganda, YTTB o'z mijozlaridan qo'shimcha ravishda loyihalarning risklarni va ta'sirlari haqida ma'lumotni oshkor qilishni, shuningdek, manfaatdor tomonlar bilan batafsil fikr almashish va muammolar yuzasidan choralar ko'rilishini talab qiladi.

Bu sohada YTTBning tajribasi bo'yicha qo'shimcha ma'lumotlar ESPning quyidagi [sahifasida](#) keltirilgan.

Ish faoliyatidagi halollik va belgilangan me'yorlarga rioya qilish

YTTBning muvofiqlik nazorati boshqarmasi (OCCO) Bankda mas'uliyatli boshqaruvga ko'maklashish bilan birga Bank faoliyatining barcha jabhalarida eng yuqori standartlarda ish olib borilishini va barcha jarayonlar ilg'or xalqaro tajribalarga muvofiq bo'lishini ta'minlaydi. Bankning barcha mijozlari uchun ularning ish faoliyatidagi halolligini tekshirishdan maqsad, Bank loyihalari uchun qabul qilinishi mumkin bo'lmagan huquqiy va nufuzga oid risklarga yo'l qo'yilmaslikdan iborat. Bank nuqtai nazariga ko'ra, loyihani dastlabki baholash va tasdiqlash bosqichida muammoli jihatlarni aniqlash va ularni bartaraf qilish Bank faoliyati nufuziga putur yetkazmaslikning eng samarali vositasidir. OCCO ushbu profilaktika chora-tadbirlarida muhim ahamiyatga egaligi bilan birga investitsiya qilinganidan keyingi davrda Bankning nufuziga xavf soladigan risklarni nazorat qilishga yordam beradi.

OCCO, shuningdek, YTTB tomonidan moliyalashtirilayotgan loyihalar doirasidagi firibgarlik, korrupsiya va lavozimni suiiste'mol qilish bo'yicha ma'lumotni tekshiruvchi mas'ul hisoblanadi. Agar kimningdir Bank ichida yoki undan tashqarida firibgarlik yoki korrupsiya holatlari kuzatilayotganligi haqida gumoni bo'lsa, u muvofiqlik nazorati boshqarmasi

boshlig'iga bu holat haqida yozma tarzda compliance@ebrd.com elektron pochta orqali xabar qilishi lozim. Barcha bildirilgan daliliy ma'lumotlar tegishli choralarni ko'rish uchun OCCO tomonidan ko'rib chiqiladi. Barcha xabarlar, shu jumladan anonim tarzda xabarlar ham tekshirib chiqiladi. Bu turdagi xabarlar istalgan tilda, jumladan Bank faoliyat ko'rsatayotgan mamlakatdagi rasmiy tilda tayyorlanishi mumkin. Bunday ma'lumotlar yaxshi niyatni ko'zlashi maqsadga muvofiqdir.

Axborotdan erkin foydalanish siyosati (AIP)

2020-yilning 1-yanvarida kuchga kirgan IAP YTTBning strategiyalari, siyosatlari va amaliyotlarini yaxshiroq tushunish va bilishga ko'maklashish uchun manfaatdor tomonlarga ma'lumotlarni ochiq qilish bilan birga maslahatlashuvlar tartibini belgilab beradi. YTTB veb-saytidan qanday ma'lumotlar olish mumkinligini bilish uchun [Axborotdan foydalanish siyosati](#) sahifasiga o'ting.

Muayyan savollaringizni [YTTBning ma'lumot so'rovi](#) orqali yuborishingiz mumkin.

Loyiha hisobdorligi mustaqil mexanizmi (IPAM)

Agar jismoniy yoki yuridik shaxslarning ekologik-ijtimoiy sohadagi yoki axborotni oshkor qilish borasidagi xavotirlarini (masalan, loyiha darajasida mijozlar tomonidan yaratilgan shikoyatlar mexanizmi yoki Bankning amaliyot boshqaruvi bilan bevosita o'zaro aloqa qilish orqali) qanoatlantirishga bo'lgan urinishlari samarasiz bo'lsa, ular YTTBning Loyiha hisobdorligi mustaqil mexanizmi ya'ni IPAM yordamida o'zlarining o'sha xavotirlarini bildirishlari mumkin.

IPAM, arizachilarning fikriga ko'ra, zarar yetkazishga ulgurgan yoki kelajakda zarar yetkazishi mumkin bo'lgan loyihaning muammolarini mustaqil ravishda baholaydi. Ushbu mexanizmning maqsadi loyihaning manfaatdor tomonlari o'rtasida ekologik, ijtimoiy va axborotni ommaviy oshkor qilish bo'yicha muammolarini hal etishdagi muvofiq qo'llab-quvvatlash, Bank o'zining [Ekologik va ijtimoiy siyosatiga](#) yoki [Axborotdan erkin foydalanish siyosatining](#) loyihaga oid tartiblariga rioya qilayotganini tekshirish va zarur hollarda, kelajakda ushbu qoidalarga rioya qilmaslik holatlarini bartaraf etish, shuningdek, Bank tomonidan kelgusida bunday holatlarning oldini olishdan iborat.

Loyiha so'rovlarini [Maxfiy onlayn shakl](#), [elektron pochta](#), [pochta yoki telefon](#) orqali qanday jo'natish haqidagi ma'lumotlarni Loyiha hisobdorligi mustaqil mexanizmi veb-sahifasidan topishingiz mumkin. IPAM sizda yuzaga kelgan muammolarni muvofiq qilish, shuningdek, [Loyiha bo'yicha hisobdorlik siyosati](#) va [ko'rsatmalariga](#) mos keluvchi so'rovlarni yuborish yoki ko'rib chiqish bilan bog'liq barcha savollarga javob berish uchun doimo tayyor. Kerak bo'lsa, arizachilarning shaxsiy ma'lumotlarini maxfiy saqlaymiz.